



**EPICEDIA,**  
*QUIBUS*  
**PRÆMATORUM OBITUM,**  
*VIRI*  
 CONSULTISSIMI ET DOCTISSIMI,  
**DN. JOHANNIS**  
**CZIMMER-**  
**MANNI,**  
 REGIÆ CIVITATIS THORUNIENSIS  
 SECRETARII

BENE MERITI,  
 Quid. XI. Febr. hora quarta pomeridiana anno MDCCCVII *1707.*  
 occidebat

*IPSO EXEQVIARUM DIE*  
*XVII. Febr.*

*Prosequi, & mæstissimos Parentes unicum lugentes filium,*  
*Viduamq; insperato mariti funere afflictam solari studebant,*

**RECTOR ET PROFESSORES**  
**GYMNASII THOR.**

---

**THORUNII,**  
 Imprimebat Johannes Conradus Rügerus, Nobiliss. Senatûs & Gymnasii Typographus.

*Druck K. fol. 3. 27. 75*

*M. P. J. J. J. J. J.*



**Q**uid Tibi blande Parens? quid vos mihi sanguine  
iuncti?

Quæ sævi cœpit nunc urere flamma doloris.  
Viscera, qui tandem Vestros tremor irruit artus?  
Cur rigor infestat quasi ducto compede linguam  
Infirmam, multumque loqui vox deficit ausis?  
Et ferili fedat cur culmine tecta cupressus  
Funeſta & quoddam designat flebile damnum?  
Non mea mors optata mihi finisque laborum  
Materies poterit Vobis tantæ eſſe querelæ,  
In terris equidem nondum ſex luſtra peregit  
Ætas, atque dies cunctis viſæ amplius ire.  
Aſt hæc viſ fati, conſtans hic ordo Jehovæ,  
Demonſtratur, ſibi ſoli cuncta ſubefſe,  
Spesque hominum dubias ejus moderamine flecti.  
Imber decutit ut nitidos de culmine flores,  
Ut ſegetes lætas immiſſa grandine ſterni  
Conſpicimus, miſeri ac eludi vota coloni.  
Sic, fateor, mecum ſpes merſas eſſe meorum.  
Sed ſi qui vixit bene, jam vixiſſe putatur  
Ille ſatis, mihi jam in terris ſatis eſto dierum.  
Et cur non ſatis? ærumnas curasque relinqvo,  
Feſſaque nunc placida recreantur membra quiete,  
Illi haud vos fugiunt atroces pectoris æſtus,  
Atque graves animi fluctus morſusque maligni,  
Queis erat expoſitum langvens & debile corpus.  
Omnia jam vici mala, diſpulſoque veneno  
Morbis, nec turbat quicquam ſolatia mentis,  
Verbo: me tenet æternæ pax grata ſalutis.  
Nec mihi nobilior poterat contingere voto.  
Hæc quæſo in mentes ægras demittite veſtras,  
Amplius haud ſignet triſtes pia lacryma vultus.  
Mox erimus iuncti, lætis amplexibus omnes  
Excipiam, vos expectant jam gaudia cœli.

Ita Magnif. Virum, unicum lugentem filium, & ceteros propinquos,  
hoc funere percuſſos, perſona B. defuncti ſolari conabatur.

M. P. JAENICHUS, R.  
Pli-



Plinius Lib. V. Ep. XXVI.

*Crudum adhuc vulnus medentium manus reformidat, deinde patitur, atq; ultro requirit: Sic recens animi dolor consolationes rejicit ac refugit, mox desiderat, & clementer admotis acquiescit. conf. Lib. I. Ep. XII. circa fin.*

**S**it cos, sit saxum, sit vel Marpesia cautes,  
 Qui noller patrii fata dolere soli.  
 Pulchrum est palmiferæ pacis dulcedine duci:  
 Pulchrius est veræ pacis honore frui.  
 Ast ubi quærenda est? totus namqve æstuat orbis  
 Bellorum flammis. Pax super astra volat.  
 Quodcunqve aspicio, nihil est nisi Martis imago:  
 Mars tumidus verbis, ensibus ille minax.  
 Heu mihi quam grandi feriuntur bella boatu!  
 Quantus ab Arctoo personat axe fragor!  
 Et quæ non tandem cogemur adire pericla?  
 Ni nos dextra DEI firma potensqve tegat.  
 Publica sunt oculis hæc obversantia damna,  
 Quæ cum mœstitia scœmina masqve gemit.  
 Ast alium sentit jam mœsta Thoruna dolorem,  
 Pectoribusqve suis concipit atqve coqṽit.  
 Non est de nihilo, cum SECRETARIUS \* urbis  
 Dat præmaturæ colla novella neci.  
 Vivere, qui fuerat prolixos dignus in annos.  
 Dum Patriæ tulerat commoda magna sua.  
 Officiis promptis cum nostræ subvenit urbi,  
 Ut candela suo deficit officio.  
 Ille fuit sacri, Civilis & ancora juris,  
 Vas legum, patrii stella jubarqve fori.  
 Externas felix lingvas callebat ad ungvem,  
 Qveis Ipsi a multis conciliatus honor.  
 Cum quondam nostræ calcavit limina Musæ,  
 Impiger in studiis egregiusqve fuit.  
 Non stetit in latebris, docto sed prodiit ore  
 Declamans, certans, carmina clara ferens.  
 Non nudus spectator erat, sed sedulus auctor  
 Sudoris docti propositiqve scopi.  
 Post adiit terras ferventi sole calentes,  
 Immensasqve sibi conciliavit opes.  
 Hinc honor oblatu Nostro est, quem rite polivit,  
 Ingenuaqve fide, judicioqve gravi.  
 Jam jacet extinctus febris morboqve maligno,  
 Dilectiqve PATRIS mors fit acerba sui.  
 Flebilis en! Mater Natum deplorat ademptum:  
 Et Generum Socrus, mœsta Marita Virum.  
 Quid facitis? Luctu ne Vos maceretis acuto:  
 Ad Dominum rediit quod fuit ante suum.  
 Depositu voluit DEUS ad se sumere charum,  
 Quod Vobis certo tempore restituet.

Spiri-



Spiritus in coelis vivit, vivusque triumphat,  
Despicit & sordes quisquiliisque soli.

Inter nos vixit longævo tempore: quando

Nemo parum vixit, cui bona vita fuit.

In solatium Antiquæ & Ampliſſ. familiæ Czimmermanianæ unici  
Filii præmaturam mortem acerbe dolentis ſcr.

M. MARTINUS Böhmi.

\* Cum malis miniſtris poterit Princeps in negotiis ſuis efficere aliquid; at non cum imperito Secretario.  
Stomachus eſt, ubi digeruntur negotia, & ſi concocta male inde prodeant, caduca erit & brevis vita  
gubernationis. Repetantur memoriâ tempora retro præterita, & ſtatim apparebit, nullum unquam  
ſtatum rite & feliciter gubernatum fuiſſe, niſi eum, qui inſignes habuit Secretarios. Plura, quæ hu-  
jus ſunt argumenti, legantur ap. Did. Saavedram Symb. Polit. LVI.

**N**ullus erat, nec erit, cauſas qui mortis ad unguem,  
Quotquot ſunt, omnes commemorare queat.

Nam ſi iudicio rationis credere fas eſt

Edoctæ multis uſibus atque modis:

Si varii caſus, ſi tot discrimina vitæ

Penſentur recte, quæ ſubit omnis homo,

Myriadas tot cauſarum memorare valebit

Nemo, nec capiet nomina ſola aliquis.

Omnia, quæ ſunt à Superis conceſſa ſaluti

Humanæ, vergunt ejus in exitium.

Perverſus quando rerum dominatur abuſus,

Quando decens ordo deficit atque modus.

Lethales pariunt vitiati in corpore morbos

Humores quatuor: Phlegma, Melancholia,

Sanguis cum Cholera, nec non ær vitiatuſ:

Cumque cibo potuſ, ſomnuſ & excubiæ.

Accedunt æſtuſ, fluctuſ & frigiduſ horror:

Omnia quæ dici mortis origo ſolent.

Exemplo doctos præſentis Funeris ergo

Senſibus expertis credere nemo vetat.

Hic Vir erat juveniſ tam animo quam corpore præſtans

Dum jultu Procerum ſuſcipiebat iter.

Verum correptuſ riphæo frigore febrim

Contraxit redienuſ, quæ audit acuta, domum.

Hæc adeo diris uſſit fervoribuſ artuſ,

Hic Vir ut Egregiuſ vivere deſierit.

Qui publiciſ rebuſ prodeſſe paratuſ & aptuſ

Spem Patriæ magnam fecerat atque Patri.

Sed ſpeſ cunctorum moſ præmatura fefellit,

Præcipue Patriſ jam ſine prole ſeniſ.

Attamen haud Iſti deerit ſolamen, honeſto

Quod fuit extinctuſ Natuſ in officio,

Illi nil potuit contingere honeſtiuſ unquam,

Succubuit publico quam quod in hoc opere.

Semper honoſ, nomenque Ejus, laudeſque manebunt

Qui Patriæ propriiſ commoda præpoſuit.

Pauſula iſta memoriæ & honori ſui quondam diſcipuli chariſſimi, tunc  
Amici & Fautoriſ deſideratiſſimi lugenſ ſcribebat

M. MARTINUS BERTLEFFIUS.